

অটিজম স্পেকট্রাম ডিসঅর্ডার (ASD) কর্মসূচি

এএসডি নেস্ট কর্মসূচি ও এএসডি হরাইজন কর্মসূচি হচ্ছে ডিস্ট্রিক্ট ১-৩২ স্কুলগুলির দুটি আলাদা কর্মসূচি যা ইনডিভিজুয়ালাইজড এডুকেশন প্রোগ্রাম (IEPs) আছে এমন অটিজমযুক্ত শিক্ষার্থীদের প্রদান করা হয়।¹ প্রত্যেক কর্মসূচি অ্যাকাডেমিক ও সামাজিক দক্ষতা জোরদার করার জন্য পরিকল্পিত হয়েছে, তবে পরিষেবা প্রদানের মডেল ও যোগ্যতার শর্তাবলি আলাদা। এএসডি নেস্ট ও এএসডি হরাইজন কর্মসূচি উভয়ের জন্যই অভিন্ন আবেদন প্রক্রিয়া প্রযোজ্য হয়।

এএসডি কর্মসূচি উপরিচিত্র

এএসডি নেস্ট	এএসডি হরাইজন
এএসডি নেস্ট হলো এনওয়াইসিডিওই এবং নিউ ইয়র্ক ইউনিভার্সিটির (NYU) এএসডি নেস্ট সাপোর্ট প্রজেক্ট ² এর মধ্যকার একটি পার্টনারশিপ।	এনওয়াইসিডিওই এএসডি হরাইজন কর্মসূচি নিউ ইংল্যান্ড সেন্টার ফর চিলড্রেন (NECC)-এর সহযোগিতায় প্রণয়ন করেছে।
শ্রেণিকার্যামো	
এই কর্মসূচি এএসডিয়ুক্ত এবং সাধারণভাবে বিকাশমান শিক্ষার্থীদের ত্রাসকৃত শ্রেণিকার্যামোয় ইনটিগ্রেটেড কো-টিচিং (ICT) মডেল অনুসরণ করে শিক্ষা দেয় যেখানে একজন বিশেষ শিক্ষার শিক্ষক এবং একজন সাধারণ শিক্ষার শিক্ষক নির্দেশনা দেন। শিক্ষার্থীদের বয়স বাড়ার সাথে সাথে ক্লাসে ছাত্রসংখ্যা ও অটিজম আক্রান্ত শিক্ষার্থীর হার বৃদ্ধি পায়। এই মডেলে কোনও ক্লাসরুম প্যারাপ্রফেশনাল নেই।	এই কর্মসূচি স্পেশাল ক্লাসে (SC) একজন বিশেষ শিক্ষার শিক্ষক এবং একজন ক্লাসরুম প্যারাপ্রফেশন্যাল সমবায়ে অটিজমযুক্ত সর্বোচ্চ আটজন শিক্ষার্থীকে (৮:১+১) পরিষেবা দিয়ে থাকে। শিক্ষার্থীরা বয়স বাড়ার সাথে সাথে আবশ্যিক অ্যাকাডেমিক ও সামাজিক দক্ষতা আয়ত্ত করলে সাধারণভাবে বিকাশমান সহপাঠীদের সাথে একত্রে ক্লাস করায় উৎসাহ দেওয়া হয়।
স্কুল-ভিত্তিক কর্মী	
কর্মীরা এনওয়াইসিডিওই প্রণীত সোশাল ডেভেলপমেন্ট ইন্টারভেনশন (SDI) সহ এএসডিয়ুক্ত শিক্ষার্থীদের জন্য বিশেষায়িত শিক্ষাদান কৌশলে প্রশিক্ষণ লাভ করেন। এসডিআই হলো একটি প্রমাণ-ভিত্তিক কর্মসূচি যা এসএসডি নেস্ট শিক্ষার্থীদের সামাজিক/আবেগগত বিকাশে সহায়তা করে।	কর্মীরা এএসডিয়ুক্ত শিক্ষার্থীদের জন্য এনইসিসি প্রণীত অটিজম কারিকুলাম এনসাইক্লোপেডিয়া ³ (ACE) সহ বিশেষায়িত শিক্ষাদান কৌশলে প্রশিক্ষণ লাভ করেন। এসিই হচ্ছে অ্যাপ্লাইড বিহেভিয়ার অ্যানালাইসিস (ABA) নির্ভর প্রমাণ-ভিত্তিক কর্মসূচি, যা এএসডি হরাইজন শিক্ষার্থীদের অ্যাকাডেমিক এবং সামাজিক/আবেগগত আচরণ বিকাশে সহায়তা দিয়ে থাকে।
পাঠক্রম ও নির্দেশনা	
এনওয়াইসিডিওইর সকল স্কুলের মতো এএসডি নেস্ট কর্মসূচি ক্লাসগুলি কমন কোর লার্নিং স্ট্যান্ডার্ড (CCLS) ব্যবহার করে। এএসডি নেস্ট কর্মসূচির ক্লাসগুলি অ্যাকাডেমিক সাফল্যের পাশাপাশি সামাজিক বোধ উন্নত করার জন্য সিসিএলএস ও এসডিআইয়ের মিশ্রণ ঘটায়। এসডিআই ক্ষুদ্র গ্রুপে পড়ানো এবং সারাদিন ধরে জোরদার করা হয়।	এনওয়াইসিডিওইর সকল স্কুলের মতো এএসডি হরাইজন কর্মসূচি ক্লাসগুলি কমন কোর লার্নিং স্ট্যান্ডার্ড (CCLS) ব্যবহার করে। এএসডি হরাইজন কর্মসূচির ক্লাসগুলি শিক্ষার্থীর অ্যাকাডেমিক ও সামাজিক সহায়তা চাহিদার নিরিখে সিসিএলএস ও এসিই মিশ্রিত নির্দেশনা আলাদাভাবে প্রদান করার মধ্যদিয়ে সহায়ক ক্লাসরুম গড়ে তোলে।
সামাজিক/আবেগজনিত অগ্রগতি	
সংশ্লিষ্ট পরিষেবা প্রদানকারীরা শিক্ষার্থীদের মানবিক সম্পর্ক ও সামাজিক দায়বোধ গড়ে তোলার জন্য এসডিআই ব্যবহার করেন। এই বাস্তববাদী (সামাজিক) ভাষাবিশিষ্ট পাঠক্রম এসএসডি নেস্ট শিক্ষার্থীদের ক্ষুদ্র গ্রুপে পড়ানো হয় এবং ক্লাসরুম শিক্ষকেরা জোরদার করে থাকেন।	সংশ্লিষ্ট পরিষেবা প্রদানকারীরা এএসডিয়ুক্ত শিক্ষার্থীদের ভাবের আদানপ্রদান ও সামাজিক মেলামেশায় সুনির্দিষ্ট সমস্যা দূর করার জন্য চাহিদানির্ভর এসিই পাঠ ব্যবহার করে ক্লাসরুম শিক্ষকদের সাথে সহযোগিতামূলকভাবে কাজ করে থাকেন।

¹ ডিস্ট্রিক্ট ৭৫ এএসডিয়ুক্ত শিক্ষার্থীদের আরও নিবিড় সহায়তা দিয়ে থাকে। <http://schools.nyc.gov/Offices/District75>

² <http://steinhardt.nyu.edu/asdnest/>

³ নিউ ইংল্যান্ড সেন্টার ফর চিলড্রেন <http://www.acenec.org/>

এসডি স্টুডেন্ট প্রোফাইল

এসডি নেস্ট	এসডি হরাইজন
এসডি নেস্ট কর্মসূচিতে গৃহীত শিক্ষার্থীদের অবশ্যই নিচের শর্তগুলি পূরণ করতে হবে:	এসডি হরাইজন কর্মসূচিতে গৃহীত শিক্ষার্থীদের অবশ্যই নিচের শর্তগুলি পূরণ করতে হবে:
বর্গীকরণ	
শিক্ষার্থীদের অবশ্যই অটিজমের শিক্ষা প্রতিবন্ধিতারে বর্গ লাভ করার জন্য যোগ্য হতে হবে।	
জ্ঞান/বুদ্ধি	
জ্ঞান সম্বন্ধীয় সকল শাখায় ধারাবাহিক উন্নতিসহ গড়পরতা থেকে গড়পরতার বেশি মননশীল ক্রিয়াশীলতা যার মধ্যে রয়েছে, তবে এতেই সীমাবদ্ধ নয়, বাচিক ও অবাচিক যুক্তিপ্য়োগের সামর্থ্য, কর্মক্ষম স্মৃতি, ভাষা, ও মনোযোগ।	অসম জ্ঞানগত দক্ষতাসহ গড়পরতার চেয়ে কম বা গড়পরতা মননশীল ক্রিয়াশীলতা।
সাফল্য	
অ্যাকাডেমিক দক্ষতা গ্রেড স্তরে বা উঁচুতে। অপরের ন্যূনতম সাহায্য নিয়ে শিক্ষার্থীরা স্বাধীনভাবে এবং ক্ষুদ্র গ্রুপে কাজ করতে পারে। শিক্ষার্থীরা মানভিত্তিক মূল্যায়নে অংশগ্রহণ করে, যার মধ্যে নিউ ইয়র্ক স্টেট (NYS) ম্যাথ ও ইংলিশ ল্যাঙ্গুয়েজ আর্টস (ELA) পরীক্ষা। ⁴ শিক্ষার্থীর আইইপি অনুসারে সংস্থানের ব্যবস্থা করা হয়।	অ্যাকাডেমিক দক্ষতা গ্রেড স্তরের কাছাকাছি। এবিএ নীতিমালার ভিত্তিতে শিক্ষার্থীরা নির্দেশনা থেকে লাভবান হতে এবং সামান্য সুপারিশ ও প্রাপ্তবয়স্কের সাহায্য নিয়ে এককভাবে কাজ করতে পারে। শিক্ষার্থীরা মানভিত্তিক মূল্যায়নে অংশগ্রহণ করে, যার মধ্যে নিউ ইয়র্ক স্টেট (NYS) ম্যাথ ও ইংলিশ ল্যাঙ্গুয়েজ আর্টস (ELA) পরীক্ষা। শিক্ষার্থীর আইইপি অনুসারে সংস্থানের ব্যবস্থা করা হয়।
ভাষা/যোগাযোগ	
প্রায়োগিক (সামাজিক) ভাষার ক্ষেত্র ব্যতীত, বিষয় নিয়ন্ত্রণে থাকা, অর্থপূর্ণ কথোপকথন, এবং সামাজিকভাবে যথাযথ অবাচিক অঙ্গভঙ্গি, প্রত্যুত্তর ও মৌখিক অভিব্যক্তিসহ বয়স স্তরে বা তার কাছাকাছি ভাষা দক্ষতা। যেমন, শিক্ষার্থীদের প্রতিবন্ধকতা থাকতে পারে যার অন্তর্গত হতে অসঙ্গত প্রত্যুত্তর এবং/অথবা অন্যদের বক্তব্য এবং/অথবা আচরণ ভুল ব্যাখ্যা করা।	শিক্ষার্থীদের প্রায়োগিক (সামাজিক) ভাষায় হাল্কা থেকে মাঝারি প্রকাশ ও গ্রহণগত বিলম্ব থাকতে পারে। কিন্ডারগার্টেনে নবাগত শিক্ষার্থীরা কমপক্ষে ২-৩ শব্দ, অর্থপূর্ণ বাক্য বলতে পারে এবং বয়স্ক শিক্ষার্থীরা প্রয়োজন, চাহিদা প্রকাশে শব্দের পর শব্দ বলতে পারে, তবে সামাজিক পরিবেশে কার্যকরভাবে মনোভাব প্রকাশ করার জন্য সাহায্য দরকার হয়। একোলালিয়া থাকতে পারে।
সামাজিক সক্রিয়তা	
মুদু থেকে মাঝারি বিলম্ব। শিক্ষার্থীরা সহপাঠী বা বয়স্কদের সাথে ভাববিনিময়ে এবং/অথবা খেলাধুলায় চ্যালেঞ্জ বোধ করে, আত্মনিয়ন্ত্রণে অনমনীয়তা ও সমস্যা দেখায়।	সহপাঠীদের সাথে ভাববিনিময় শুরু মুদু থেকে মাঝারি বিলম্ব। শিক্ষার্থীরা সামাজিক কর্মকাণ্ডে অংশগ্রহণ করতে পারে, তবে প্রায়ই একাকী কাজ করতে পছন্দ করে।
আচরণ	
শিক্ষার্থীদের মুদু আচরণগত চ্যালেঞ্জ থাকতে পারে, তবে শারীরিকভাবে আক্রমণাত্মক নয়, নিজের জন্য ক্ষতিকর আচরণে স্লিত হয় না, এবং “পলায়ন আচরণ” দেখায় না, যেমন কর্মীদের দৌড়ে পালানো বা ক্লাসরুম বা স্কুল ভবন ত্যাগ করা।	শিক্ষার্থীদের মুদু আচরণগত চ্যালেঞ্জ থাকতে পারে, তবে শারীরিকভাবে আক্রমণাত্মক নয়, নিজের জন্য ক্ষতিকর আচরণে স্লিত হয় না, এবং “পলায়ন আচরণ” দেখায় না, যেমন কর্মীদের দৌড়ে পালানো বা ক্লাসরুম বা স্কুল ভবন ত্যাগ করা।

⁴ স্কুল ডিস্ট্রিক্ট বা ডিস্ট্রিক্ট-ভিত্তিক আইইপি টিমের দায়িত্ব স্টেট, স্থানীয় ও ক্লাসরুম টেস্টগুলিতে সুবিধালাভে শিক্ষার্থীর যোগ্যতা নির্ণয় করা।
<http://schools.nyc.gov/Academics/SpecialEducation/Classroom/instruction>

এএসডি কর্মসূচিতে ভর্তি প্রক্রিয়া

1. আবেদনপত্র জমা: আপনি যদি মনে করেন এএসডি নেস্ট কর্মসূচি অথবা এএসডি হরাইজন কর্মসূচি আপনার সন্তানের জন্য যথাযথ হতে পারে, তাহলে স্কুলবছরের যেকোন সময়ে আবেদনপত্র পূরণ করে জমা দেওয়ার জন্য আপনার সন্তানের আইইপি টিমের সাথে কাজ করুন। আপনার সন্তান যদি আগামী বছর কিন্ডারগার্টেনে প্রবেশ করে, আমরা সেকথা আমাদেরকে যত তাড়াতাড়ি সম্ভব জানাতে অনুরোধ করছি। ভর্তির প্রক্রিয়া সম্পন্ন করার জন্য আবেদন করার একবছরের ভেতর সকল মূল্যায়ন শেষ করতে হবে।

- আবেদনপত্র পূরণ করা ও জমা দেওয়ার জন্য সরাসরি আপনার সন্তানের আইইপি টিমের সাথে কাজ করুন।
- আপনি বা আপনার সন্তানের বর্তমান স্কুল সম্পন্নকৃত আবেদনপত্র পাঠাতে পারে:
 - ইমেইল: ASDPrograms@schools.nyc.gov (বিশেষভাবে কাম্য),
 - ফ্যাক্স: (718) 391-6887, বা
 - ডাকযোগে: Central ASD Programs Team
28-11 Queens Plaza North, 3rd Floor
Long Island City, NY 11101

আপনার সন্তান যদি ট্রানজিশন হচ্ছে:	একটি এএসডি কর্মসূচির আবেদনপত্র জমা দিন:
কিন্ডারগার্টেন	আপনার সন্তানের প্রি-স্কুলে শেষ বছরের স্কুলবছরে যত আগে সম্ভব। • দ্রষ্টব্য: আপনার নন- এএসডি কিন্ডারগার্টেন কর্মসূচিগুলিতেও আবেদন করা উচিত হবে: kindergarten admissions process ⁵
অন্য যেকোন গ্রেড (১-১২)	যেকোন সময়ে।

এএসডি কর্মসূচির আবেদনপত্র ডাউনলোড ও প্রিন্ট করার জন্য [Specialized Programs page](#)⁶ ওয়েবসাইটে যান।

2. আবেদনপত্র প্রাপ্তিস্বীকার ইমেইলে জমাকৃত র আবেদনপত্রের প্রাপ্তিস্বীকার এক থেকে দুই কার্যদিবসের ভেতর ইমেইলে জানানো হবে। ফ্যাসিমাইল (ফ্যাক্স) করে বা নিয়মিত ডাকযোগে জমা দেওয়া আবেদনসমূহের প্রাপ্তিস্বীকার ডাকযোগে করা হবে, যা আপনার আবেদন পাওয়ার এক থেকে দুই কার্যদিবসের মধ্যে মেইল করা হবে। আবেদনপত্র জমা দেওয়ার পর আমরা আবেদনে প্রদত্ত তথ্য নিয়ে আলোচনা ও সম্ভাব্য প্রাসঙ্গিক প্রশ্ন করার জন্য আপনার সন্তানের আইইপি টিমের সাথে যোগাযোগ করব।

- আপনি যদি আপনার আবেদনপত্র জমা দেওয়ার এক সপ্তাহের মাঝে সেন্ট্রাল এএসডি কর্মসূচি থেকে সাড়া না পান, তাহলে ASDPrograms@schools.nyc.gov ঠিকানায় যোগাযোগ অথবা (718) 391-6872 নম্বরে ফোন করুন।

⁵ অফিস অব স্টুডেন্ট এনরোলমেন্ট কিন্ডারগার্টেনে ভর্তি প্রক্রিয়া পরিচালনা করে।

<http://schools.nyc.gov/ChoicesEnrollment/Elementary/kindergarten.html>

⁶ বিশেষায়িত

কর্মসূচিগুলির

জন্য

ডিওই

ওয়েবসাইট:

<http://schools.nyc.gov/Academics/SpecialEducation/enrolling/specializedprograms/default.htm>

3. এএসডি কর্মসূচির যোগ্যতা যাচাইয়ে প্রাথমিক ইন্টারভিউ: সেন্ট্রাল এএসডি কর্মসূচি টিম আপনার সন্তানের মূল্যায়নগুলি হালনাগাদ এবং আপনার সন্তানের বৌদ্ধিক সামর্থ্য এবং সামাজিক, ভাষিক, আচরণগত এবং অভিযোজিত দক্ষতার উপর যথেষ্ট তথ্য দেয় কিনা দেখার জন্য তার বিশেষ শিক্ষার রেকর্ড পর্যালোচনা করেন। এছাড়া, আমরা নিশ্চিত করি আপনার সন্তান তার আইইপি-তে অটিজমের শিক্ষা সম্পর্কিত বর্গিকরণের শর্ত পূরণ করে।

- হালনাগাদ মূল্যায়ন যদি আপনার সন্তান সম্পর্কে সেন্ট্রাল এএসডি কর্মসূচি টিমের আরও তথ্য দরকার হয় বা মূল্যায়নগুলি হালনাগাদ না থাকে আমরা আপনার সম্মতি নিয়ে আরেকটি অতিরিক্ত মূল্যায়ন করার জন্য আপনার সন্তানের আইইপি টিমকে বলব। আপনার সম্মতি চেয়ে ডিওই আপনাকে চিঠি দেবে।
- আরও তথ্য: সেন্ট্রাল এএসডি কর্মসূচি টিম কর্তৃক পর্যালোচনার জন্য পরিবারবর্গ আরও মূল্যায়নের কাগজপত্র জমা দিতে পারেন। কে-৫ গ্রেডের আবেদনকারীদের জন্য চিকিৎসা সম্পর্কিত মূল্যায়নের বেলায় যেমন, অন্যান্য তথ্য সংবলিত কাগজপত্রও এক বছরের বেশি এবং ৬-১২ গ্রেডের আবেদনকারীদের জন্য তিন বছরের বেশি পূরণ হওয়া চলবে না।

4. এএসডি কর্মসূচিতে ভর্তি প্রক্রিয়া ও টাইমলাইন: যদি প্রাথমিক ইন্টারভিউর সময়ে প্রদত্ত তথ্যে প্রতীয়মান হয় যে আপনার সন্তান এএসডি নেস্ট কর্মসূচি অথবা এএসডি হরাইজন কর্মসূচির যেকোন একটির জন্য উপযুক্ত হতে পারে, তাহলে সেন্ট্রাল এএসডি টিমের একজন সদস্য একটি পর্যবেক্ষণ-সূচি তৈরির জন্য আপনার এবং আপনার সন্তানের আইইপি টিমের সাথে ঘনিষ্ঠভাবে কাজ করবেন। ডিওই, দরকার হলে, আরও মূল্যায়ন পরিচালনা করতে পারে, এবং সেজন্য আপনার সম্মতি গ্রহণ করবে। বিশেষভাবে, ডিওই এএসডি নেস্ট কর্মসূচির জন্য যোগ্য হতে পারে এমন ছেলেমেয়েদের জন্য অটিজম ডায়গনস্টিক অবজার্ভেশন স্কেজুল (ADOS) ব্যবহার করে থাকে।

প্রাথমিক ইন্টারভিউর পর সেন্ট্রাল এএসডি কর্মসূচি টিম আপনার সন্তানের এএসডি কর্মসূচিতে ভর্তির প্রক্রিয়ায় পরবর্তী ধাপগুলি নিয়ে আপনার সাথে যোগাযোগ করবে। যদি আপনার সন্তানের চিকিৎসাগত তথ্যে দেখা যায় যে সে:

- একটি এএসডি কর্মসূচির জন্য উপযুক্ত প্রার্থী হতে পারে: তথ্য পর্যালোচনা ও প্রক্রিয়ার পরবর্তী ধাপগুলি নিয়ে আলোচনার জন্য আপনার এবং আপনার সন্তানের স্কুলের সাথে সেন্ট্রাল এএসডি কর্মসূচি টিমের একজন সদস্য যোগাযোগ করবেন।
- ভর্তির শর্তপূরণ করে না: আপনার সন্তানের চাহিদা পূরণ করার জন্য আপনার সন্তানের আইইপি টিম যথাস্থ বিশেষ শিক্ষা কর্মসূচি এবং/অথবা পরিষেবার সুপারিশ নিরূপণে আপনার সাথে কাজ করবে। আপনার সন্তান সম্পর্কে নতুন তথ্য পাওয়া গেলে আপনি পরবর্তী কোনো তারিখে একটি নতুন এএসডি কর্মসূচির আবেদনপত্র জমা দিতে পারেন।

5. এএসডি কর্মসূচিতে ভর্তি সংক্রান্ত পর্যবেক্ষণ: যদি প্রাথমিক ইন্টারভিউয়ে দেখা যায় যে আপনার সন্তান যোগ্যতার শর্তাবলির কিছু অন্তত পূরণ করতে পারে, তাহলে অধিকাংশ ক্ষেত্রে প্রাথমিক ইন্টারভিউয়ের চার সপ্তাহের মধ্যে কোনও এএসডি কর্মসূচি স্কুল অথবা একজন এএসডি সেন্ট্রাল টিম সদস্য পর্যবেক্ষণের সূচি তৈরি করবেন। পর্যবেক্ষণ সম্পন্ন হওয়ার পর ফলাফল পর্যালোচনা করে দেখা হবে আপনার সন্তান ভর্তির শর্তাবলি পূরণ করে কিনা এবং তাকে এএসডি কর্মসূচিতে ভর্তি করা হবে কিনা। আপনি এবং আপনার সন্তানের বর্তমান স্কুল লিখিত পর্যবেক্ষণ রিপোর্টের কপি পাবে এবং ফলাফল নিয়ে আলোচনার জন্য সেন্ট্রাল এএসডি টিম আপনার সাথে যোগাযোগ করবে।

6. ভর্তির সিদ্ধান্ত: আপনার সন্তানের মনস্তাত্ত্বিক মূল্যায়ন, অটিজম ডায়গনস্টিক টেস্টিং থেকে গৃহীত তথ্য ও উপাত্ত, পর্যবেক্ষণ এবং জমা দেওয়া অন্যান্য তথ্যে ভিত্তিতে ভর্তির সিদ্ধান্ত নেওয়া হয়। সেন্ট্রাল এএসডি কর্মসূচি টিম আপনার সন্তান এএসডি নেস্ট কর্মসূচি অথবা এএসডি হরাইজন কর্মসূচির শর্ত পূরণ করে কিনা সে বিষয়ে আপনার ও আপনার সন্তানের আইইপি টিমের সাথে আলোচনা করবেন। এএসডি কর্মসূচিতে একজন শিক্ষার্থীকে গ্রহণ করার পর তার স্কুলের আইইপি টিম সেন্ট্রাল এএসডি কর্মসূচি টিমের তত্ত্বাবধানে আপনার সন্তানের আইইপি প্রণয়ন করবে।

7. এএসডি কর্মসূচি পরিদর্শন: এএসডি কর্মসূচিতে গৃহীত শিক্ষার্থীর পরিবারবর্গ প্রস্তুত এএসডি কর্মসূচি স্কুল পরিদর্শন করতে পারেন। দয়া করে লক্ষ করুন, এই কর্মসূচির বিশেষায়িত ধরন এবং সীমিতসংখ্যক আসনের কারণে গৃহীত শিক্ষার্থীদের একটি এএসডি কর্মসূচি স্কুলে পাঠানো হয় – নির্দিষ্ট এএসডি কর্মসূচি স্কুলের জন্য কোনও আবেদন প্রক্রিয়া নেই। গৃহীত শিক্ষার্থীদের পরিবারবর্গকে স্কুল পরিদর্শন এবং স্কুলে ভর্তি করার জন্য এএসডি কর্মসূচি স্কুল যোগাযোগ করবে।

এএসডি কর্মসূচিতে গৃহীত শিক্ষার্থীদের জন্য তথ্য

নতুন গৃহীত শিক্ষার্থীদের পরিবারবর্গ আইইপি বৈঠকের পর একটি প্রায়র রিটেন নোটিস (PWN) এবং স্কুল লোকেশন লেটার (SLL) পাবেন। এসএলএল আপনার সন্তান কোন স্কুলে যাবে সেটা সুনির্দিষ্টভাবে উল্লেখ করবে। এসএলএল লাভ করার পর গৃহীত শিক্ষার্থীদের পরিবারবর্গকে যত তাড়াতাড়ি সম্ভব তাদের সন্তানকে এএসডি কর্মসূচিকে ভর্তি করার জন্য কাগজপত্র আনতে হবে⁷। এএসডি কর্মসূচি স্কুলে যত তাড়াতাড়ি সম্ভব রেজিস্টার করা গুরুত্বপূর্ণ যাতে, আইইপিতে উল্লেখ থাকলে, পরিবহনের ব্যবস্থায় দেরি না হয়।

- **পরিবহন:** বিশেষ শিক্ষার পরিবহন এএসডি কর্মসূচি স্কুলে যাতায়াতের জন্য দেওয়া হয় যদি আপনার সন্তানের আইইপি টিম নিরূপণ করে যে আপনার সন্তান আইপি পরিষেবা হিসেবে বিশেষ শিক্ষা পরিবহন লাভ করার জন্য যোগ্য।⁸ বিশেষ পরিবহনে সুবিধা, যেমন যাতায়াতে স্বল্প সময় অথবা তাপনিয়ন্ত্রিত যানবাহনের প্রয়োজনীয়তা অবশ্যই অফিস অভ স্কুল হেলথ (OSH) কর্তৃক অনুমোদিত এবং প্রতি বছর পর্যালোচিত হতে হবে। আপনাকে অবশ্যই **অথরাইজেশন ফর রিলিজ অব হেলথ ইনফরমেশন (HIPAA)**⁹ পূরণ করে আপনার সন্তানের ডাক্তারকে দিয়ে **মেডিক্যাল অ্যাকোমোডেশন ফরম**¹⁰ পূরণ করিয়ে একত্রে জমা দিতে হবে। এসব ফরম অবশ্যই আপনাকে ও আপনার সন্তানের ডাক্তারকে পূরণ করে ও স্বাক্ষর করে প্রতি বছর আপনার সন্তানের আইইপি টিমের কাছে জমা দিতে হবে। আপনার সন্তানের আইইপি টিম পূরণকৃত ও স্বাক্ষরিত ফরমগুলি পর্যালোচনার জন্য ওএসএইচের কাজে জমা দেবে।
- **এএসডি সামার কর্মসূচি:** এএসডি নেস্ট কর্মসূচি ও এএসডি হরাইজন কর্মসূচি সেপ্টেম্বর থেকে জুন অবধি দশমাসব্যাপী ডিস্ট্রিক্ট ১-৩২ স্কুল ক্যালেন্ডার অনুসরণ করে।¹¹ এনওয়াইসিডিওই সামাজিক বিকাশে সহায়তার জন্য কিন্ডারগার্টেন থেকে পঞ্চম গ্রেড অবধি এএসডি কর্মসূচির শিক্ষার্থীদের জন্য ঐচ্ছিক সামার কর্মসূচি প্রদান করে থাকে। এই ঐচ্ছিক কর্মসূচি চার সপ্তাহের জন্য প্রতি সপ্তাহে চার দিন আধাবেলাব্যাপী চলে। সামার কর্মসূচির সময়তালিকা এএসডি সামার কর্মসূচিটির আয়োজক সাইট করে থাকে, যা শিক্ষার্থী ১০ মাসব্যাপী স্কুলবছরে যেখানে যায় সেখান থেকে আলাদা হতে পারে।

একজন সেন্ট্রাল এএসডি টিম সদস্য আপনার সন্তানের আইইপি টিমের সাথে ঘনিষ্ঠভাবে কাজ করবেন এবং আপনার সন্তানের আবেদনের বিষয়ে আপনার সাথে যোগাযোগ বজায় রাখবেন। বর্তমান প্রিস্কুল শিক্ষার্থীদের যারা কিন্ডারগার্টেনের জন্য আবেদন করছে তাদের বেলায় পিতামাতাদের উচিত সন্তানের টার্নিং ফোইভ টিম অথবা সন্তানের প্রিস্কুল আইইপি টিমের সাথে কাজ করা।

⁷ ভর্তির কাগজপত্র: <http://schools.nyc.gov/ChoicesEnrollment/NewStudents>

⁸ বিশেষ পরিবহনের তথ্য সংক্রান্ত ডিওই ওয়েবসাইট:

<http://schools.nyc.gov/Academics/SpecialEducation/programs/additionalservices/transportation.htm>

⁹ হিপা ফরম: http://schools.nyc.gov/NR/rdonlyres/2A444727-0597-4C92-84AE-D6CEF15E796B/0/hipaa_fillablecopy.pdf

¹⁰ রিকোয়েস্ট ফর মেডিকেল অ্যাকোমোডেশন যা চিকিৎসক পূরণ করবেন:

<http://schools.nyc.gov/NR/rdonlyres/98856A9E-517B-4198-8640-2B5BECFA10D4/0/MedicalAccommodationsRequest.pdf>

¹¹ আপনার সন্তানের স্কুল বা ডিস্ট্রিক্ট-ভিত্তিক আইইপি টিমের দায়িত্ব এক্সটেনডেড স্কুল ইয়ার (ESY/সম্প্রসারিত স্কুলবছর), যা ১২-মাসের স্কুলবছর নামেও পরিচিত, প্রয়োজন কিনা নিরূপণ করা। আপনার সন্তান যদি ইএসওয়াই- এর জন্য যোগ্য হয়, তাহলে একটি উপযুক্ত সামার প্লেনমেন্টের ব্যবস্থা করা হবে। ইএসওয়াই সম্পর্কে জানতে এনওয়াইসিডিওই ওয়েবসাইট দেখুন: <http://schools.nyc.gov/Academics/SpecialEducation/programs/additionalservices/extended>

এএসডি কর্মসূচির আবেদনপত্র ডাউনলোড ও প্রিন্ট করার জন্য [Specialized Programs page](#) ওয়েবসাইটে যান।